

Bosna i Hercegovina
Federacija Bosne i Hercegovine
Tuzlanski kanton
Općina Teočak
Općinski načelnik
Broj: 02-11-1451-8/24
Teočak, 16.12.2024. godine

Na osnovu člana 69. stav (1) tačka b) i člana 70. Zakona o javnim nabavkama („Službeni glasnik BiH“ broj: 39/14, 59/22 i 50/24), Pravilnika o javnim nabavkama roba, usluga i radova u općini Teočak („Službeni bilten općine Teočak“ broj: 05/23) i člana 43. Statuta Općine Teočak („Službeni bilten općine Teočak“ broj: 5/08, 2/12 i 1/22), a na Preporuku Komisije za javne nabavke Općinski načelnik d o n o s i:

ODLUKU

o poništenju postupka javne nabavke

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda broj: 02-11-1451-7/24 zaključenog dana 13.12.2024. godine, **poništava** se postupak javne nabavke radova na uvezivanju novog rezervoara donje zone u vodovodni sistem dijela Općine Teočak iz razloga što ponuđena vrijednost jedine pristigle ponude od ponuđača „Izgradnja“ doo Teočak prelazi sredstva planirana za predmetnu nabavku.

Član 2.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav (2) Zakona o javnim nabavkama i bit će objavljena na web stranici općine www.teocak.gov.ba.

Obrazloženje

Postupak javne nabavke pokrenut je Odlukom o pokretanju postupka javne nabavke broj 02-11-1451-1/24 od 19.11.2024. godine. Javna nabavka je provedena putem otvorenog postupka. Procjenjena vrijednost javne nabavke je 85.470,00 KM bez PDV-a.

Komisija za javnu nabavku je dana 16.12.2024. godine dostavila Ugovornom organu Zapisnik o otvaranju ponuda broj: 02-11-1451-6/24 i Zapisnik o pregledu i ocjeni ponuda sa preporukom za izbor najpovoljnijeg ponuđača broj 02-11-1451-7/24 zaključen dana 13.12.2024. godine u postupku javne nabavke radova na uvezivanju novog rezervoara donje zone u vodovodni sistem dijela Općine Teočak- Faza I.

U postupku utvrđeno je da je Komisija za javnu nabavku blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je 1 (jedna) ponuda i to od ponuđača: „Izgradnja“ doo Teočak;
- da je blagovremeno zaprimljeno 1 (jedna) ponuda i to od ponuđača: „Izgradnja“ doo Teočak;
- da su neblagovremeno zaprimljene 0 ponuda;

Cijena jedine pristigle ponude iznosi 107.878,24 KM te je znatno viša od procijenjene vrijednosti. Komisija je konstatovala da je pristigla ponuda neprihvatljiva jer ponuđena cijena prelazi planirana, odnosno osiguranja novčana sredstva za predmetnu nabavku te je predložila Ugovornom organu donošenje Odluke o poništenju postupka javne nabavke.

U postupku donošenja ove Odluke, posebno su cijunjene činjenice da je Komisija pravilno i potpuno izvršila ocjenu kvalificiranosti ponuđača te ocjenu prispjele ponude, shodno kriterijima iz tenderske dokumentacije.

U postupku ocjene provedenog postupka, ugovorni organ Općina Teočak – Općinski načelnik nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je ocjena ponuđača izvršena u skladu sa Zakonom o javnim nabavkama, podzakonskim aktima, Pravilnikom o javnim nabavkama i tenderskom dokumentacijom.

Iz navedenih razloga, primjenom člana 70. Zakona o javnim nabavkama, odlučeno je kao u članu 1. ove Odluke.

Pouka o pravnom lijeku

Protiv ove odluke može se izjaviti žalba, najkasnije u roku od 10 (deset) dana od dana prijema ove Odluke.

Dostavljeno:

- Ponuđaču
- a/a



Općinski načelnik

Tajib Muminović